

淮  
海  
英  
靈  
集

淮海英靈集

鄉人阮元輯錄

劉承毅

字語觀號慇亭儀徵人乾隆戊午科舉人

秋日過白沙翠竹江村

樹裏高樓號見山諸峯羅列影孱顏不知花事幾開落啼鳥數聲空自閒

程

鳴

字友聲號松門江都諸生善畫雍正時人

論畫答王耕南

杜陵贈畫師五日畫一水意在落墨先苦心究終始前賢論惜墨其意端在此王洽米襄陽烟雲常滿紙

江

莢

字景韓號補堂江都人乾隆辛酉順天舉人官內閣中書善書傳忠勇公經略金川奏請隨軍欽旋

進侍讀從役灤河卒

侍直舒青叔招遊香山賦呈

扈從曾聞際勝遊，摩雲直躡日邊樓。  
題詩導我穿三逕，踐約從君到十洲。  
巒沸泉聲千礫雨，蒼寒石色萬峯秋。  
新安大好誇山水，六六靈巒得似不。

陳萊有

字吟侯儀徵諸生

碧筠精舍納涼

避喧過古剎，聊此寄浮生。  
性與禪俱定，心隨竹共清。  
榮枯惡造物，身世遠逢迎。  
一榻當軒卧，翛然夢不驚。

馬祚振

字西雛號我客江都生員早歿有幽篁閣小草一卷

江干閒步

北窗睡起又斜暉，隨步溪頭面翠微。  
山雨乍晴巖壑瘦，江潮初上鯉魚肥。  
不因採藥尋樵徑，恰爲看雲過釣磯。  
踏徧夕陽人影淡，只應攜得一詩歸。

樊天棟

字沂洛號鶴塘  
儀徵武生員

清明集吟香館分韻

來禽初放兩三枝可喜微晴雨過時  
風遞花香知冷暖鳥窺人意雜歡悲  
茶壚最愛新烟好詩句何如舊雨宜  
自是閒庭相對處東牆畱得夕陽遲

張志琴

字暉桐號淡泉儀徵人  
乾隆辛卯科副榜貢生

過故居有感

歸來不忍扣柴門三迥全無松菊存  
半塌牆垣荒作路幾家烟火別成村  
簷牙疊繞新蛛網詩壁空畱舊紙痕  
燕子何年巢故壘何須王謝始銷魂

寒食

雨雨風風黯淡天銷魂寒食落花前  
家書報道炊常斷不但

明朝是禁烟

宿王氏柳橋莊

摩詰詩中畫蕭疎水竹村艸芳青入座樹老綠當門夜月南  
州楊春鐙北海尊主賓相得處坐對欲忘言

張達九

字非聞江都人乾隆年間武舉人性端樸抄書數百種筆畫嚴正年近八旬力貧苦吟著有願學集

卷一

漁家

綸竿爲活計茅舍逐湖斜檐角曬新網牆頭支斷叉鄰翁來  
借笠稚子學浮槎每到秋時節門深蘆荻花

葉

雯

字蔚村號鈍夫泰州人乾隆年間優貢生

愛山江總戎招遊白馬洞

佳遊不憚馬蹄勞愛訪遺蹤興轉豪

地爲水鏡先生隱居處

穆逕竹陰

森翠幄過溪泉響奏雲璈烟迷古洞千峯合寺俯危欄百尺  
高對酒聯吟天欲暮歸途清月動蕭騷

江

湘字郢上儀徵諸生康熙己未  
乾隆丙辰兩舉博學鴻詞

板浦過東海遊雲臺山

片席乘輕風小洋生巨浪蓬窗曠渺間烟水熾滉漾引睇安  
所極漫漭徒相望蛟窟欲生霧狂鯨現屏幃萬類恣惶惑怪  
險非一狀溟渤渺無涯島嶼焉得傍豈復謀安穩渾欲論得  
喪飄然念雲臺將思層級上樓臺倏隱見浮漚插青嶂儼如  
三神山根底屬奔放蓬萊竟可卽已非徒想像步屨巒岫側  
邈焉滋惆悵深幸涉靈境良足慰遊况平生遠征心于此得  
所尚

黃臨鉞

字雲石  
江都人

絮衾

寒儒布被非云儉新絮裝成不厭肥自是衰年愁夢冷豈因  
獨宿冀春歸牛衣曾臥情何窘花萼誠歡願總違幾度東風  
頻送暖呼兒攜取趁朝暉

于

泗字秋渚東臺人著  
有怡怡草堂詩藁

春日同丁熙莊過藥師菴訪照純上人晚飲李郁齋挹

翠山房

三年盼得此相逢躑躅茅菴路幾重野草香乾雙屐雨夕陽  
人倚一樓鐘能辭塵堦蟬初解爲說離愁酒半濃何幸龍門  
分片席夜窗燈火歇吟筇

史鳴臯

字荀鶴號笠亭如臯人乾隆庚申選貢甲子順天  
舉人辛未進士改庶吉士散館出知浙江象山縣

廣西柳州府  
年踰七十卒

觀補亭師命作墨竹題句誌別

時在浙闈

本是門前雪竹枝  
浮筠暫與上林期  
雖然偃蹇塵埃裏  
尚憶清吟月露時  
十載金臺重問字  
三秋鎖院鎮題詩  
離懷願託琅玕影  
座上春風日日吹

史發藥

字欣之號東原笠亭太史季子讀書工詩詞弱冠入學年二十七卒著有東園小草

竹醉日同人集水繪園舊址范氏齋中分賦

琴亭酒榭已成塵  
誰唱楊枝曲更新  
只有鶯聲啼未老  
水邊圓轉似詩人

簾波簾影共參差  
客坐長廊晝奕棋  
竹外一聲寒玉落  
午窗驚破夢蕉時

陶鑑

字鏡堂儀徵人乾隆丁丑荷包內緞沒年八十子璧輯其詩爲南村遺集一

南巡召試

賜

卷



送閔蓮峯回邗上

相送詩人返竹西，布帆一片裹雲低。  
桃花塢口潮初上，朴樹灣頭鶯亂啼。  
翦燭乍虛聽雨榻，禁烟可憶踏春隄。  
江鄉櫻筍清和候，好待君來酒重攜。

追弔劉江屏先生富川殉難用葉文敏學士韻

書生辦賊事，分明變起南荒鼓。  
角聲絕命大書清，進士毀符羞作僞公卿。  
白頭萬里心難死，碧血千年氣尚生。  
持此區區堪報國，笑他身外總浮名。

吳正己

字良思號葭吟東臺人著有忍冬軒詩抄

次女兄韻寄懷粵東施戴山姊丈暨諸兄弟

萬里蠻雲壓大江，便教飛夢也愁長。  
書多隔歲因梅嶺，詩少開情爲草塘。  
官況不殊人在隱，別情翻似我離鄉。  
何時走馬

羊城去話對元龍上下牀

孫世儀

字虞朝號漁曹通州國學生著有壘松山房冬榮館聯花草等集

彭娥行

以彭夫仲貧不能自給井邊門側

豪民生兒不自母兒生奪乳他兒口乳媪還當選妙齡金錢  
買斷青春偶豪家牀闌春雲熱嬌兒鳴嗚恣媒褻嗟乎彭娥  
玉琢人顧此區區生哽咽狂夫貴利賤清名促伴鳩媒略卻  
行豈識佳人心匪石一絲麻縷保幽貞門邊僵立彭娥影門  
前十丈寒冰井不見尋常曉汲時乳花滴水酥酥冷吁嗟冷  
乳不肥兒豪家僱乳須早知

香娘行

姓王氏鹽板船養女有殊色與母行不類歸湯為養媳僦居單店十載食貧無怨言夫出賈有

惡少犯之大呼鄰媼赴救乃免夫尋歸告之故卒自經湯業賣香人呼為香娘子死年二十四事在乾隆

辛卯六

月十日

鹽板船開倡婦喜買得倭婿才稚齒嬌羞早是可憐生教就  
真成錢樹子錢樹子鐵作枝不堪攀折空蕤蕤眼中著刺徒  
爾爲單店湯家某草屨出指衣露肘是兒應不解溫柔斥往  
伊家執箕箒湯家門榜八百香不須五木合都梁春榆成麵  
柏成屑十指春葱盡流血閉門日夕飽氤氲箇是香娘有人  
說香娘憔悴雨中花蕩子含情比艾豕良人服賈遠未返施  
施來覲邱中麻香娘奮呼鄰母出蕩子潛踪如鬼疾異事紛  
傳暗自嗟盼得郎歸淚如織本是冰晶雪瑩身素絲不染終  
羞澁舊來眉譜洗燕支此日誰堪夜露滋二十四齡青日日  
一環素練斷魂時君不見靈均到頭只蓀芷蜨蛺轉丸偏嗜  
矢嗚呼香娘抱香死

鹵水行

顧琢玉側室夏如臯人琢玉亡嫡以夏年少遣  
媒引去嫁之夏潛飲鹵水陽拜別夫靈遂仆地

死

竈觚鹵盎乾無滴，盎鹵三升供一吸。八噉奔崩毒過鴆，醪醢  
味作醍醐汁。何人爲此顧家姬，夙抱衾裯伴吼獅。一夕所天  
揮手去，雙雙淚血牽紅絲。浪遣雄鳩相顧盼，小君呼人顏立  
變。芳齡不是等閒時，春融愛上梨花面。琵琶再抱亦常情，汝  
況區區出微賤。烈哉赴死轉餘妍，縞素登堂拜几筵。眩轉初  
疑神鬼入柔腸，逆斷似危弦。君不見石家清名在金谷，高樓  
燕子傳芳躡冰腸。雪胃螯不枯，苦心那憚甘荼毒。射雉城高  
雉水清，尋常買笑都成哭。

秋懷一首寄友

涼夜秋聲梧葉動，驚起梧堂老人夢。老人頭白慣經秋，雲輕  
雨薄紛何用。明明如月寸心圓，指點清冷廿五弦。知音悵望

隔烟水落木寒江空自憐

夕陽

平楚蒼烟外春晴向夕開不堪千里目此際一登臺絕島奇  
雲住殘鴉背水來茫茫今古恨老大重徘徊

首夏

午倦當軒坐風光對懶嵒絮絮開無意著鶯老有時啼一雨橫  
塘滿空天綠樹齊清和殊未遠珍重快扶藜

桂天培

字因之號仙巖泰州生員有花香閣遺草

衰草

芊眠那復逗春華瘦影離離覆晚沙落日城邊嘶病馬涼秋  
塞上動悲笳臺荒鸚鵡昏烟冷塚廢鴛鴦斷碣斜極目更多  
愁絕處因風蕭瑟點寒鴉

蔣椿年

號東川通州布衣年八十餘著有東川集

登多景樓

過江風日豁雙眸多景爭傳在此樓  
雲樹北低瓜步小人烟  
南入甕城收泉噴雨色霑香席鳥答吟聲落酒甌  
有客興豪追往昔談兵猶自想吳侯

謝天霽

字觀南江都諸生善詩古文鄉人以行稱年八十一卒

玉芙蓉

白露澄澄玉滿卮飄來江上點瓊姿  
香生蓮渚雙清後影淡  
渠塘月冷時不羨斜陽調玉質  
好將秋水濯冰肌繁華此際  
都蕭索畱得寒潭一兩枝

栗溥

栗先生字受堂江都諸生元八歲受業於先生一年

平山堂觀梅

昨看蜀岡雪梅花千樹詫奇絕今看蜀岡梅霏霏雪色寒無  
埃曉月半溪影澹蕩涼烟一徑香徘徊綠華仙子銖衣疊十  
里芳颺吹習習一聲鐵笛破春寒玉痕舞作羅浮蝶歐公堂  
下皓雲深白松翠竹交春陰酒倚金樽吸香海詩憑玉簪搖  
瓊林樓頭莫唱廣陵曲瑤花夢斷春寥落獨自清風倚葛巾  
遶梅學放孤山鶴

石寶玉

字寶常如臯人著  
桐月堂詩一卷

江都懷古

一從作賦推明遠不敢題詩漫唱酬三月水深孤吹動百年  
事往夕陽愁重來勝地自春草無限才人空白頭萬縷千條  
倍悵悵江南柳色半揚州

初夏歸自泰州寺齋同冒上苑賦

驅馬旋歸阮步兵還從虛館度幽清松陰半榻有山意梅葉  
滿窗來雨聲往事那能忘夢寐故人終不負平生閒中好共  
垂簾坐細聽高枝啼亂鶯

小病

小極慊慊不出門秋風秋雨惱黃昏亂鴉蕭瑟入庭樹孤枕  
寂寥橫淚痕空有新詩能紀日斷無舊夢不銷魂伯輿未必  
爲情死此意真難對客論

寺樓晚望懷上苑病中

地偏竟日少人來無數詩情不可裁暮雨鳥歸深樹宿春風  
花傷小樓開凌霄何必無高翼混俗焉能有善才多病相如  
勞苦憶素琴揮罷不勝哀

錢標林

字梓蔭號翁寰一號蒲心如阜人乾隆庚午舉人著遠大堂集



題黃默菴歸田小照

秋風黃菊夕陽天  
歸水柴門有釣船  
東野堂開何所事  
南昌人去共稱仙  
彈琴欲奏猗蘭曲  
握卷猶哦寶劍篇  
苦似西莊老摩詰  
松筠零落玉山前

友人至

昨夜酣歌揚子居  
空簾相望泣蟾蜍  
於今白袷還歸社  
何處朱門可曳裾  
著屐雨侵三徑草  
到階人摘一盤蔬  
朝來擬共姜公子  
攜酒乘船過爾廬

厲

炯

號曉樓儀徵人著  
曉樓詩鈔一卷

方可村待詔  
招同于清漣學士  
伍受軒郎中  
汪曲江廣  
文集陶然亭

春明門外路  
解轡息征塵  
書劍隨身老  
鶯花入眼新  
幾杯燕

市酒滿座故鄉人良會惟今夕方干拜其頻

李義門寄小照索題

暮雲春樹苦分離喜得披圖慰遠思可念天涯倦遊子鬚眉也異別君時

江大銳

字筆峯號樵所如皐廩生著有燕遊近艸

晚望

日落天無際鄉心入暮雲青山橫斷靄黃葉捲秋濱何處樓臺是愴然涕淚紛蓬門風滿鬢極目感離羣

鮮虞城樓秋眺

睥睨遙臨萬壑開清秋送眼此登臺雲從雁塞龍沙起山接黃羊白草來壞壘人耕多矢鏃重關風動有氛埃紛紛戎馬交馳後營闕難尋宿草堆

王

楠字配文號讓亭甘泉諸生居邵伯鎮博覽圖記楠

爲此試得二人江都汪中甘泉王楠也著有青箱堂詩集二卷賦一卷

古詩贈汪中

孤鳳出丹穴毛羽成文章來集枯桐枝霜霰摧輝光哀音襍  
箭韶延頸思朝陽下有窮巷士側耳中心傷同聲諒難云清  
夜起彷徨

吳人隔烟渚贈我瑤華音何以致區區報之雙南金飄風蕩  
白日忽然墮西岑燕婉及良時所期相知心游鴻入高天潛  
魚下深潭此心結終古鬱然寄鳴琴

窮澤生異草非蘅亦非荃春女不能採委棄蓬艾閒願言貽  
君子悠悠阻前川前川亦匪阻會合良獨難努力保幽貞芳  
馨幸自全歲寒有松柏庶訂同心言

寒月歌

黑龍蹙縮鞭元冥圓穹凍圻琉璃青金鴉折齒墮蒙谷白榆  
幾葉紛飄零羿妃冷雪鍊貞骨元風戒塗運桂窟格磔搖輪  
碾迸螢絳河直渡層冰滑人間丙夜霜華封金波漲海凝不  
鎔邗江老鼉僵嚙齒瓊花故苑清如水煬帝笙歌悄不歸紫  
簫聲斷妖妃死我曳彩衣飛不起孤光蹴蹋銀橋尾凌兢起  
栗聳鳶肩舞女嫣然粲璠璫繡裳玉斧吹輕毫廣庭翠薄丹  
粧凋姓字模糊看如夢茗華剝蝕螭文交羈縻慾界苦薰灼  
一服刀圭乞靈藥頑蟾噴浪激星芒滿掬涼津澡塵魄

初冬偶述

紙窗白日炫冰油景氣孤清異素秋水母薦盤初擘絮木奴  
防雪已披裘閒中展卷眉心闊醉裏臨書指節柔獨歎交遊

寥落甚，氈罽舊會與誰修。

丁汲

字養泉，號井岑，通州海門鄉人。乾隆己卯舉人，官安徽東流縣教諭。

衰柳

不盡江天思，淒淒古道淪飄零。此日淚歌舞舊時人，短夢生樵斧。柔情老釣綸，夜來南陌望松柏。兩嶙峋。

朱景淳

字厚蘊，號粹原，泰興人。乾隆乙酉選拔貢生，著有循陔笑遊、星池等集。

白紵舞詞

春雲低戶簾初卷，後堂芳樹流鶯囀。吳姬垂手步迴翔，翠翹錯落珠襦展。流光逸態神暗飛，欲前復卻揚清輝。錦絲清切中情發，雲屏不動蘭缸微。水晶如意玉搖步，鴛鴦薦上金蓮吐。七盤妙見掌中身，驚鴻瞥眼仍迴素。列燭蜃脂光燦燦，縷紋滿鼎添鳳炭。玉壺送暖歌樂康，華月明星夜未央。

盧溝橋望西山

霽爽徹雲衢林巒開綺障春樹鬱佳哉晴原氣清曠北達桑  
乾河漚流恣潏潏百丈駕鼉梁長虹落天上笥石交嶙峋雕  
柱屹相向飛沙吹明駝落日轉塵鞅升路紛彈冠歸程記祖  
帳帶水自千古風雲走萬狀五城天外懸雙闕雲中望遵道  
喜無偏初識

皇都壯

黃考祥

字纘亭興化人乾隆乙酉歲貢任金山學訓導

江行

不意長江路輕帆如此行午烟瓜步岸初月石頭城神怯連  
宵雨心蘇半日晴浮槎想上客容易卽前程

聽雨

風將雨去又將還人在孤燈一卷閒昨日晴憐上巳節來朝  
青看隔江山夢知憶處翻嫌短春到歸時不更閒爲想故鄉  
耕事起細溝新水綠潺潺

宿寧鄉

百里歸帆一半程孤村人共鷺鷥情水中月色移無迹蓬背  
霜華聽有聲沽酒已遲人更寂叩門猶遠夢先成遙知兒女  
連宵話都向團圓事裏生

朱

源

字崑來江都諸生  
早卒有梅軒近草

感懷

春花不常榮秋月不常滿人生天地間倏忽若假館壯夫困  
帷薄志士安飽暖取鏡照華顏蕭蕭髮猶短

江

涓

字佩水號蒿坪江都瓜洲人江寧籍諸生工詩  
及小楷兼善章奏乾隆丙辰薦舉博學鴻詞

見鷓鴣

青草湖頭苦霧侵  
黃陵廟裏落花深  
鷓鴣爾是南巢鳥  
榆色秋風恐不禁

能言不比青鸚鵡  
一樣雕籠鎖短翰  
從此莫啼行不得  
黃蘆苦竹好相安

送秋

天半頽雲忽不流  
悲吟楚客倍添愁  
青衫已濕霜前淚  
紅樹難畱葉底秋  
縱有濁醪消永夜  
絕無清興倚高樓  
詩情頓覺多蕭索  
也逐西風一夕收

重過紅橋

日落風微暑氣清  
綠楊城郭一舟橫  
十年夢裏銷魂路  
今日重來眼倍明



曲曲青山灩灩波易句畱處易消磨關情最是紅橋柳繫得  
愁心爾許多

江棟

字伯山  
江都人

過汪處士故居

堂上依然絕點塵花開猶似昔年春  
獨憐燕子歸朱戶只訪雕梁不認人

江百穀

字耕禮儀  
徵諸生

早渡高淳湖

曉渡平湖口霜楓夾岸紅雁書雲漢北日射海潮東  
溼氣連晴靄波光漾太空衰年歸故里逸興寄孤篷

張秉彝

字仲倫號南垞儀徵貢生乾隆辛未

南巡

雪舟集

賜內緞荷包年六十二沒著有萊園集

春草集

暉堂集各一卷

雨後過峨嵋院

踏徧青山懶再登，好來江寺對閒僧。  
西風殘照晴無際，落葉昏鴉亂幾層。  
白社不妨容載酒，青衫可許悟傳燈。  
誰能識得真如意，籬下花開是上乘。

暮秋李亦亭含碧草堂送徐介山

不得名園聚，誰知判袂難。  
離情同雁冷，客夢過湖寒。  
行色秋千頃，流光指一彈。  
殷勤此佳會，幽興肯教闌。

清簡草堂聽吳山人彈琴

正聲久不聞，涓高亦已往。  
靡靡箏琶音，但得俗耳賞。  
山人東海來，風濤佇遐想。  
抱琴不輕彈，野意自疏爽。  
有時鼓再行，流泉四山響。  
坐客寂無言，秋風動書幌。

初夏招同古贍樓團鶴筴王玉船西圃蕭鄧林許棠東

汪荔亭呂梁州李晴川東坪典山潘瘦山集南園分得

山字

江上名園水石環招邀閒客快追攀  
啼殘紅藥鶯聲老吟到綠陰人意閒  
通港小池初漲雨過牆新竹半遮山  
不妨歸路斜陽暝喚得輕舟載月還

程南陂秋曹同王孟亭太守過訪卻贈

高臥澄江快擁書陳情早歲謝簪裾  
管弦春引東山屐水竹秋深履道居  
一代詩才擅元白老年文筆妙應徐  
如何清興同摩詰肯向蓬蒿訪敝廬

新秋陳玉几王孟亭諸君小集城南水亭雨中分賦

愛此溪堂晝不扃蓼紅蘋白護沙汀  
秋光著水涼生袂小雨催詩響到亭  
打槳客來花港暮撈蝦網歇柳根腥  
不嫌供給

山家薄倒盡風前雙玉瓶

雨中有懷嘯門兼簡鶴田

短檐終日滴秋霖碎盡芭蕉寸寸心小沼忽生三尺水癡雲  
常覆半庭陰閒中病酒教煎茗天末懷人自撫琴羨爾高齋  
讀書客一編冰雪正長吟

漁灣

使君不再來亭館餘廢址風流記昔年託跡漁蠻子絲竹邀  
清歡壺觴集名士歲月曾幾何浮雲散如此秋雨鳴寒蟬春  
風生白芷惟有江南山青青隔江峙

挹珠菴

亡友田紫  
田讀書處

亡友讀書地含悽來一訪叩門無人聲松竹作雨響老衲何  
處山談禪落空想竚立眞珠泉獨望孤雲往

別明見上人

移菴更深居而不厭生客飲水堅道心說法悟頑石一榻臥  
白雲三宿畱行屐小別話溪橋曉月挂巖隙

攝山渡

行行攝山根望望攝山渡小市烟火微石橋桑柘護人語水  
邊村牛鳴原上路停策檢歸裝小艇沙頭住

天門山

望望東梁翠影多西梁相對鬱嵯峨乘潮打槳江南去回首  
天門一瞬過

贈丁丈敬身

耳熟錢塘丁隱君造門相訪樹爲鄰讀書奉母樂復樂飲水  
耕田貧更貧湖海客來常閉戶鶯花時過不知春居憂卻訝

王戎瘦六十餘年至性人

樓雨

蕭瑟蘇臺雨春深滴小樓客同蝴蝶倦花爲牡丹愁旅夢歸  
孤枕輕寒上敝裘論心賴知己羞說帶吳鉤

吳

廉

字景維號媚川儀徵人知府  
街著有清榮書屋吟卷二卷

冬日郊行卽事和張曉村韻

霜後疎林葉半黏冬郊風日轉清恬村無胥吏科徭少戶足  
雞豚穀價廉矮屋趁晴茆早蒼荒祠課雨卦頻占紆迴共踏  
斜陽裏隴麥才芽綠尚纖

飲東城酒家

瀟灑城東賣酒家香茆亭繞竹籬笆採將戢戢新蓮子斲得  
纖纖嫩笋芽紫扁豆纏門外樹紅蜻蜓立水邊花西風徙倚

長隄上醉看見童數莫鴉

秋日返真州道中作

秋原蕭瑟暮雲屯  
隱隱遙山碧一痕  
憔悴綠楊臨斷水  
淺深紅樹出孤村  
荷鋤人唱西風路  
沽酒帘飄夕照門  
無限吟懷消不得  
隔橋新月破黃昏

采菱曲

平望湖邊波淼淼  
輕烟初散秋風曉  
秋風吹動采菱舟  
舟上雙鬟花插頭  
畫櫓慢搖入菱蕩  
采采青菱發低唱  
見人羞澁斂行藏  
佯弄菱盤露半妝  
喚擲青蚨買盈斛  
那知摘盡纖纖玉

仲鶴慶

字松嵐泰州人乾隆壬申江南解元甲戌進士官四川知縣著有追暇初集一卷

離別難和吳甌亭

離別難蒼烟落日蕪葭寒執手苦於邑聯影立河干河干昨  
夜西風急兩月不歸惱行客稚子傳經燈正紅老親扶杖頭  
俱白旅人拈柘枝載歌離別詩樂莫樂兮新相知臨岐把袂  
殊遲遲開函贈我五色芝無以報之青城絲中有一人前致  
詞欲語不語涕漣漣青蒲一束酒一卮爲傷去時憶來時來  
時秋未老露浥夫容小西風菊綻遲明月鴻飛早與爾共題  
箋墨花零亂生雲烟與爾共賭酒高天寂歷回珠斗與爾共  
乘舟紅燈夜月蘆花洲與爾共買笑藐姑未嫁文君少同心  
之言臭如蘭無端爾去予心酸西風吹秋秋漸殘慷慨爲歌  
離別難離別難倉卒彫朱顏十六橋頭水潺潺行蹤不定如  
波瀾君不見勞勞亭斜陽芳草何青青又不見情盡橋垂楊  
離恨一條條古人淚接今人淚歌眉低壓雙峯翠孤權先愁



道路長華燈且盡尊前醉明知相別還相逢眼前揮手太忽  
忽君歌我歌歌未終小橋流水悲秋風秋風悲流水咽離別  
難難離別

舟行懷劉硯濫卽簡趙滌齋

故人曾說梅花居梅花開罷無尺書一春睽隔萬回夢兩日  
綢繆三月疎蘭漿重游舊時路柳亭誰買今番魚相思不見  
望邗上問君悽惻當何如

東淘晚秋

西風一櫂海東頭九月新晴正暮秋遠水綠歸漁子艇夕陽  
紅上老僧樓花飛蘆荻迷樓雁粉墮夫容冷宿鷗正好單衫  
快游興沈寥天氣不須愁

落葉

舊日長條不可攀，淒淒槭槭下空山。  
高樓明月夜如此，古戍西風人未還。  
四壁蕭條傷暮景，一天搖落想衰顏。  
夕陽多少前朝事，堆滿荒苔不叩關。

蛛網落花

閒情艷景愛山家，蛛網層層罨落花。  
蕩子銷魂春緒亂，美人香夢竹簾斜。  
裝成朱絡青絲鼓，唱到紅幺蘇幕遮。  
最是憐芳風力巧，不教薄命委黃沙。

崇明懷古

十郡屏藩勢必爭，幾人亡命幾人存。  
網艚不署將軍爵，航海空傳光祿名。  
馬蹟山前雲作陣，鼉鼉窟裏夜交兵。  
滄江一戰無歸日，畱得風濤捲怒聲。

登烟雨樓

輕舸十葉轉迴塘水殿秋高七月涼樹底人家見城影日邊  
樓閣浸波光紅衣欲謝芙蓉老翠角初翻菱芡香立徧西風  
不歸去玉蘭花下說南唐

崇明客中送湯如海遷乍浦叅將

水犀原不畏風波移節重聽織女梭檣李尚連吳社稷金鼇  
已控越山河輕裘緩帶籌邊客石鼓銅鑊大海歌獨我送君  
悵悵甚鄉情誰似老湯和

次韻別西垞

翠管紅牙夜不休接天燈火古揚州蕭閒只有南關客倚徧  
夕陽江上樓

別王書圃

一逕西風一夜霜酒闌歌散別王郎門前百里東淘水流過

龍溪是故鄉

陸

端

字正夫一字方山乾隆己卯舉人官學博士籍浙江歸安占籍儀徵父名師號麟度宰儀徵多惠政

嘗修學宮輯縣志邑人至今德之

題畫蘋花

蘋花風起意蕭涼水面初開風露香此際含毫倍惆悵相思夜繞弁山陽

吳

鑾

字牧田江都人

六月十六夜泛舟登平山堂聽徐山人彈琴

夜靜乘清興攜琴上蜀岡松梧漏微月風露有奇涼天籟自澄寂弦聲何抑揚無端驚鶴夢小步在虛堂

吳煥仕

字竹如江都人

過飲水香村墅

修竹喬柯路識纔汪君嘉遯古城隈人隨野水過橋去鶴在  
空廊踏葉來交豈羊求三徑僻譽多顏謝一樽開慚余牢落  
頻中酒日暮江村首重回

王

祚

號薑園江都布衣貧老江洲著九沙書屋孤吟集  
六卷每卷一題成七律數十首本今不全略摘其

句于後殘陽暮雨愁中酒落月閒雲夢裏峯眉齊案上  
書三尺膝繞庭前鶴一雙穿殘敗履空勞劍洗破春衫  
欲借雲一榻烟波愁裏去六朝風雨夢中銷鏡裏有顏  
皆白骨世間無淚不黃金歛斜老樹三分活檢點殘書  
一半無皆  
奇雋可傳

秋日江村寄懷五弟祉

春光幾度別離天雁字魚書又一年乘我洲邊新買宅歸來

江上學耕田

項

炎

字樹堂一字  
鹿田江都人

春暮喜常近辰司馬復來湖上

司馬江州客湖干今復過尋詩牽畫舫浴研就清波舊雨樽  
前滿春風柳上多蜀岡知不遠路曲繞烟蘿  
畫船呼暫泊入寺共憑窗碧落淡斜照白雲生遠江苔深碑  
一一簾捲燕雙雙清磬虛堂出塵心到此降

項夢魁

字北野  
江都人

六月十六夜泛舟登平山堂聽徐山人彈琴

扁舟泊蓼岸踏月到深林樹影秋銜寺泉聲冷入琴片雲飛  
細雨孤鶴伺餘音境界清如許烟城香夢沈

程志乾

字學堅一字  
書舫江都人

紅藥橋

舊譜名花重廣陵石梁從古擅佳稱不知紅藥何年盡空有  
朱欄此日憑倚蒼蝶稀飛野燕荒廳客散坐枯僧尋春到處

增招悵不獨橋頭感廢興

芍藥巷芍藥廳皆揚州古跡

黃爲兆

字占弼號墨莊江都人官饒南九江道改刑部貴州司郎中

春柳詞

六朝烟景舊如何  
亭榭秦淮記屢過  
春水半篙新漲綠  
社公雨後麴塵多

江 崑

字伯峯江都人

春日登平山堂

眺遠虛堂上憑闌倦眼開  
江光浮塔去嵐翠接天來  
古道無垂柳殘碑有暗苔  
山僧誇水味埽石置茶杯

楊

瑗

字心遠一字林臯儀徵人

題美人解鬟圖

裊裊春雲委地垂  
翻嫌髻樣鬪時宜  
人情未必今猶昔  
莫遣

桓家郡主知

杜漸鴻

字五沙一字南帆  
又字東垞泰州人

釣魚

釣魚如釣雪蓑笠一天風鶴警者誰子羊裘或此翁遙情歸  
浩蕩朔氣入空濛定得奇寒句霏霏落短篷

易

諧字夔勳一字  
松滋江都人

送秋涇入長安

河聲流太急把手獨依依野水沒荒草孤鴻下落暉寸心知  
自許長路可閒機短鬢相看白天涯何日歸

常執桓

字西北一字  
萊畦江都人

紅橋送春

年年惜別在河橋說到春歸鬢已凋大抵一生能幾屐那堪



三月剩今宵天涯草色添惆悵柳外鶯聲送寂寥欲買黃金  
鑄買島爲渠詩句足魂銷

張兆雷

字雨田江都人  
著默菴吟草

春暮游鄭氏休園

谷口風光好春殘偶一過古藤垂絮遠老樹覆垣多倚檻思  
華構臨池見壁窠到來今始信城市有巖阿

汪士儒

字柏堂  
儀徵人

野堂招看牡丹

穀雨花爭發招攜石友心月方明似水春合貴如金院敞青  
油捲杯香綠醕酣豔酣愁欲睡把火照宵深

季京泰

字芝衫  
泰州人

送北垞還眞州

天地能容幾輩閒  
雪風如此度閒關  
酒緣知己驅愁去  
詩重交情送客還  
永夕坐寒當戶水  
孤舟夢老隔江山  
溪橋十六啼鶯早  
待訪垂楊綠一灣

杜明德

字立人一字馨齋泰州人

·題畫

一聲長笛滿江秋  
荻葉蕭蕭客繫舟  
識得波心珠一顆  
浮沈天地總無愁

魏祥聯

字星融一字藕莊儀徵人

·題滄浪漁笛圖

笛弄滄江萬里秋  
碧天淡蕩月明舟  
就中識得先生意  
今古茫茫著甚愁

吳楷

字一山儀徵人邑諸生乾隆辛未

賜篤孝友愛交游有舍藥詩

召試二等

在

三卷丹橘林詩二卷長洲  
沈文憲嘉興錢文端序之

初夏余丈葭白招同程泚江太史厲太鴻孝廉陳授衣  
閱蓮峯同學讌集

草堂雨歇乍晴時  
櫻筍厨開共話宜  
花徑破烟緣客到  
棊聲向晚得杯遲  
張憑入坐頭方黑  
荀淑歸來鬢已絲  
笑我忘年與良會  
好風同醉習家池

父病乞金陵楊孝稚覓獅子油

昔聞畫獅子病瘡可以止  
今聞獅子油病瘡可以瘳  
家君不能食  
夏杪經麥秋  
乍聞此方書  
頓破舉家愁  
顧安所得此  
東西南北思  
悠悠爲子者  
旣不得魏武之狸  
以生據其頭  
又不  
得波斯之產黃  
者白者擇其尤  
家貧恨無東  
箭南金相市  
易異物殊非  
遵山入水能  
窮搜中夜不  
能寐食不下  
咽喉側聞

金陵世家子先世嘗爲佐命侯玉門關外得白澤氣吞虎豹  
威熊彪飼養之恩縱云厚山靈之性安能收得其乳藏玻璃  
盞取其脂祕蒼玉甌迄今雖歷數十載治噎功與金丹侔  
曩與君飲酒舫閣上君言是公鄉里交最稠侍側不得奮飛  
至馳書百拜向君謀神仙大還君掌握迅速乞與無淹畱長  
江舟楫一日爲置六七郵調羹劑藥恃此以爲祝噎之白鳩  
家君本屬无妄疾老天界此當無憂安得阿育柱上一聲吼  
吾當面向神物稽首求

題從父仁趾先生詩集後

弱冠慕古人詩書研幽獨老成一家言自號樵貴谷

先生刻有樵貴

谷集  
行世

聽翁以盲老

謂族父蘭次先生

先生爲飢驅長安驢背上名士來相

於

生當兩戊寅吾兄亦下世掩面向薊雲更屑眞州涕

先生年六十一

得仲子阿強集中有示阿強詩先君子入都攜之南歸繼眞州子蕃從父後今吾兄亦沒

讀雄雉齋詩憶陸八

詩乃陸魚山持贈今下世三載矣

猶記論風雅於今竟杳然晴窗書六卷春社酒三年自昔稱先達多能引後賢何當檢遺藁爲附虎頭篇

淮海英靈集

鄉人阮元輯錄

於震

字亦川號秋水木籍鎮江丹陽久居泰州遂入籍工詩古文乾隆乙酉

南巡召試二等秋水雅

好騎射性情豪邁時人以徐文長比之卒年五十四

昌化大酒歌

唐昌地軸盤天高帶以古縣羣山包山泉萬道向空落奔騰  
爭赴錢塘潮灘迴石出鼓其勢盤渦往往妨行橈我來三月  
水正發行船半在山之坳於潛魚潭五六里晝抵半道來中  
宵撫膺悵然坐不樂蒼茫萬緒紛煎熬舟人倚柁向余笑君  
乎乃未經風濤前途咫尺達大酒令人涉之朱顏凋乍說與  
君或不信明發鼓勇看吾曹半夜枕邊萬雷發地維劃斷天  
根撓熊咆兕鬪下沙岸百谷競沸千崖號披衣欲起脛骨顫  
倏忽篷背掀陰飈馮夷怒鞭雪山立排空倒瀉星辰漂中流

巨石列奇鬼挺戈壁立爭相鑿纜夫挽船觸石上擺磨無計  
凌巉嶢嶢嶢船頭仰天泊魂魄坐臥懸猿猱晨風吹水勢益  
烈厓根反走迎船稍舟人衆呼負船起一聲大叫窮青霄晝  
然船騰浪腹出忽登天上相招搖俯視萬檣短於筍浪底猶  
自喧羣舠始信舟人不余誑買魚沽酒酬其勞我昔扁舟過  
三峽巫峰十二炯嵐銷杳然徑渡無所苦胡爲人世傳喧曉  
祇緣杜老擅高咏意氣遂與山川豪此灘雖險頗奇特涵虛  
亦自瑩秋毫匣岸崩崖插天秀可作雷雨興螭蛟奈何道路  
屈僻遠千秋記載空寥寥酒闌泊船獨欹枕綠窗彷彿語山  
魑偶聞君言故相慰名勝安得終蒸蒿乾坤夷險境不一聲  
名顯晦隨其遭精靈歲久必有託君言毋乃太牢騷焉知造  
物非有意遲汝萬壑幽光標

張將軍贈白紵歌

江都白紵白如雪齊紈魯縞輸皎潔  
鮫人夜織貝闕空軋軋龍梭走江月  
天孫一見驚絕奇拍格一聲機上裂  
令人持向市閒買一市寒光動毛髮  
今我六月來吳陵曼膚束帶尤苦熱  
安得數尺製短衣有賣直拚生產折  
將軍一騎江都來相與談笑開襟懷  
頤指平頭俾擎出蛟皮匣瀉光皚皚  
滿堂涼風起蕭瑟橫翦一幅江波開  
海天昨夜青女降隨風亂落霜成堆  
羲和無言赤帝泣日車躡躡翻天陔  
賓客坐者爭起立電光欲掣青天雷  
將軍弱齡便筮仕秋風一鶚南天起  
同時兄弟垂金貂曉入甘泉侍

天子鐵衣扈從獵上林一箭射殺兩青兕  
興酣下馬賦新詩大貝南金光滿紙  
中黃虎賁皆歎息衛霍當年寧及此  
牙旌



節鉞正有加野服翩然返旧里結交遠近皆鴻儒置酒高歌  
未有已自憐兩奏明光殿千言下筆如飛電功名往往與仇  
謀每到垂成忽中變諸公袞袞釋青袍裁冠命服眞英彥歸  
帆六月江水寒依然短褐還鄉縣市兒相遇笑且憐斯人大  
抵長貧賤將軍高義胡爲哉寒暄推分無嫌猜倘然贈我錦  
繡段不衷之服翻爲災特命良工勤愛惜紉之滅盡鍼線跡  
修短旣稱熨貼平從此清風生兩腋何以報之發長謠永爲  
好兮服無斃

### 遊金山

到此非無地憑空大塊浮龍宮開絕島鳥道出懸流城郭天  
南壯蒹葭岫北秋吾身何處著長笛起漁舟  
江上秋風起蕭蕭落木多天根連海沒山勢帶江過關塞通

牛渚波濤下鵲河歷朝爭戰地設險竟如何  
妙高臺畔立黃葉滿寒臯水氣青天濕江光白日高風濤飛  
畫鷁鐘鼓起潛鼉浩蕩關生事臨風落彩毫

舟次富春

十里春江路推篷倚夕陽波濤欺石勢城郭走江光對酒紫  
魚賤迴舟杜若香何須問身世聊此足清狂

謁少陽陳先生祠墓四首

兩宮消息正茫茫廟算徒聞罷李綱不信九關司虎豹獨留  
三疏動風霜衣冠白晝悲東市松柏青燐照北邙過客漫增  
桑梓感里居從古說丹陽

霓旌南渡幾時歸遺廟悲風捲總帷草野詎干興復計公卿  
無那諫書稀九重忌諱闕廷諍兩浙倉皇憶布衣往事祇吟

餘涕淚豐碑殘照亂鴉飛

寧計功名上鼎鐘結纓易簪本從容封章昔已羞臺省姓氏  
今猶壯辟雍罪已尚傳如綽語綿田空繞若堂封漫言哀痛  
繇宸念忠武仍看卹典重

閒氣從來應列星祝融猶自避精靈空傳野燒驚榱桷仍是  
忠魂走電霆乾隆庚申祠不戒於火已而堂廡練浦牲牢喧  
社鼓棲霞軒冕哭冬青千秋得失應須辨萬壑寒烟擁翠屏

喜友人從軍

匹馬西風出漢關十年雄畧鼓聲閒箭傳青海雕迴陣戈枕  
黃沙月滿山塞外功成餘健骨江南秋老入蒼顏據鞍且喜  
尋常事應佐元戎勒石還

汪孚倩

以字行號青門儀徵諸生著有  
青門小橐一卷乾隆癸酉序刊

白沙翠竹江邨次韻八首

蕭疎門巷鎮常開  
曳杖提壺任往來  
好景十三收不盡  
昔人曾此詠千迴

耕烟閣後徑初通  
度鵲橋邊水鬪風  
行近漑巖還小立  
深林闌出海棠紅

翦蔬耐可向山蹊  
何事牆頭過炙鷄  
閒抱一壺聊藉草  
籜筴深處夕陽西

春至無端客思迷  
關關幽鳥喚高枝  
風前幾許閒情在  
最惜尊空燭跋時

漠漠陂塘綠漸肥  
林閒時有一花飛  
春光已是如流水  
芳草斜陽怨不歸

見山樓與白雲連  
樓外垂楊起復眠  
曾入蒼茫舒望眼  
我家

亭榭在前川

兀坐深宵對一燈十年荒落歎因仍  
野情却比閒鷗鳥肯學蒲團入定僧

平生結想是扁舟空外何方十日留  
魚子蘆芽正初出傍園東去卽芳洲

榮園

小泛當長夏晴空一水涯竹深停棹處  
岸澗過橋時鳥散荒園夢人吟舊雨詩  
李楊人先生有扁舟白髮閒來往惟有當年舊夕陽之句夕陽如有意相傍綠陰移

吳山伍相國祠

心事當年亦大難殘碑讀罷撫危欄  
亡臣一夜頭空白寶劍千秋血未乾  
廟貌尚依烟栢冷精魂長駕雪濤寒  
只今獨有

巖前月越水吳山一例看

江立

字玉屏號雲溪舊居杭州移籍儀徵工填詞爲王

蘭泉少司寇所甄錄有宋板金石錄因題其齋曰金石錄十卷人家著小齋雲山館詩鈔詩餘集共若干卷

次方介亭韻賀吳梅查移居

苔花砌草共縈紆景物移人不可孤試茗客同烹雀舌入簾

風自捲鰕須短籬漸欲編新徑小閣旋添訪舊圖

管平原爲梅查寫移

居好待海桐秋結子夜深看放赤光珠

梅查舊居有海桐一株今移植新遷齋中

題憚南田雪景卷子

劈斧峰皴點凍苔同雲駢黹掃難開置身如在茗華館親見

南田運筆來

右丞宗派認無差詎獨人誇亦自誇指上荒寒能染出不圖

翦水作飛花

萬點梅花一塢雲  
玉壺天地淨塵氛  
了又挂起簾齊捲  
添得春寒到十分

隱約頽垣古寺紅  
松釵肥處正漫空  
因風逼緊還吹散  
粉箭枝枝縛小弓

悅枝堂坐雨分得八齊

萬條銀綫縮來齊  
檐瀑紛紛看欲迷  
乍喜綠添新竹葉  
最憐紅濺落花泥  
半規池面跳波急  
一角窗陰壓座低  
漸覺涼生衣袖上  
呼鐙且盡玉東西

漁菴

四面闌干一鏡圓  
渚花汀草各因閒  
中只合吟魚具  
佳處猶欣坐釣磯  
紅藕香生無暑到  
白鷗浴罷趁涼飛  
年來絕似天隨子  
逢著烟波便不歸

蕉聲

熱惱全消勝塵談綠天清響靜中參招風六尺如身樹聽雨  
三更種紙菴休展愁心相向訴恐驚客夢只孤諳破窗人歇  
琴徽後一片先秋韻已含

潘純鈺

字雅堂號懷甫甘泉人乾隆辛丑進士授刑部安  
徽司主事性情醇實故詩筆鴻整有節卒年三十

有七著懷圃  
詩集四卷

題汪少岑雪夜試茗圖

百道泉寒萬木枯空山寂歷有誰俱天公要與清詩骨一夜  
飛花入竹爐

早春泛湖

地僻春偏到談深客忘還花香全著水人影半登山天氣釀  
春冷我心隨境閒行窩如可置長此掩柴關



晚坐

雨霽夕陽明林深暮靄平蛛牽隔樹網蟬續過牆聲隨意花  
先發無心雲自生坐看纖月上孤咏不勝情

茶菴小憩

中春天氣更清和宰堵封泥屋覆蓑十里草煙吹不斷菜花  
風裏一帆過

游文園孝女賣卜養親詩

鬱鬱原上樹上有反哺鳥盈盈閨中女獨與父母居父母夕  
不殄女也涕如雨妾身非男兒何以謀釜庾外無強近親內  
無儋石儲只有胸中字一字一靈珠常見兒負米未聞女賣  
卜妾心苟自安擇術何嫌獨結束初出門行行重徘徊徘徊  
不敢返父母朝苦飢茫茫人海中鹿鹿凡幾輩精誠感行人

側席爭問字得錢告父母父母喜更悲豈期一日養仗此小  
女兒春風軟繡街秋雨垂楊道每蒙長者憐詎免狂且擾女  
亦不畏擾女亦不受憐但祈親腹飽何損女節堅初猶詫爲  
奇久乃歸以孝理眞數亦奇實至名非釣名流載彤管絡繹  
遞詩筒匪惟美其始亦願成其終我思孝女心如鏡復如石  
如鏡察毫芒如石韞貞白我思孝女行如松復如萍如萍暫  
飄泊如松長亭亭

孝女詩爲金機亭國博所徵後  
國博爲之媒嫁士人得其所

輓顧年伯母

元案顧文子進士之母鳳毛副  
貢之祖母兩世皆母爲授經

韋母紗幮比絳帷早通經義析羣疑一門自足師兼友四德  
能全孝與慈集古文章因畫荻循陔樂事到含飴暮年忽灑

西河淚愁憶蘭窗授讀時

薛廷吉

字藹人號漁莊儀徵人太學生乾隆丁丑  
試二等工書巨幅細行皆臻妍妙詩善聲調乾隆

乙卯卒年  
七十六

冬月過金陵承恩寺花雨樓與東臯上人話舊

前值炎蒸後苦寒四年兩度客長干

壬寅夏  
日寓此

奇荒已過欣無

恙蕭寺重逢且盡歡書信別來殊未達燭花夜翦幾經談一  
回相見一回老白髮應憐此日看

夏日集潘氏南園分得山字

江上名園水石環偶招詩客共追攀啼殘紅藥鶯聲老吟到  
綠陰客意閒通港小池初漲雨過牆新竹半遮山不妨歸路  
斜陽暝喚得輕舟載月還

王子春寄懷阮伯元宮詹

七載蕪城別緒牽每瞻雲樹各江天青年君已登

廊廟

宮詹年  
二十九

白髮予仍守硯田

天子宣來嘗賜札玉京望去儼如仙倘能退食餘清暇盼寄

魚書拂碧箋

知遇

君恩特達殊

宮詹大考擬列第二仙郎標格比瑤瑤風流謝

眺才猶昔清操王恭世所無春靜木天斑管蠹秋高平野角

弓麕玉符絳節爭相待會看星輶出上都

鄭

湮

字晴波號楓人儀徵人明鄭超宗之元孫乾隆壬午舉人乙酉南巡召試授內閣中書尋轉典

籍出任福建寧府同知擢溫州知府調杭州進浙江督糧道因公被謫新疆援免後恭遇慶典給五品

銜乙卯卒生平學杜詩最深嘗刻杜少陵全集勘校精美所著有玉句草堂詩集二十卷夢餘集一卷鷗齋集

一卷詩餘二卷

蘓嶺

山行盡紆折勢若蟻磨旋盤盤入烟嵐微露白一綫是時孟

冬初草木未衰變弱如蒙密中丹翠照衣面偶與來峯迎忽  
增去林戀急雨何處鳴溪流急奔濺幽通睡蛟宅可聽不可  
見臨崖一咳唾空洞駭雷扑層陰稍披豁夕陽半荒甸青蠅  
雜游蜂暖聲觸搖扇頗謂氣候殊已覺心目眩計程指仙霞  
三日諸嶺徧夷途信難得孤遊敢辭倦前登始曉巖飛雲集  
如霞

### 楓嶺

詰旦辭霞關薄暮越楓嶺危途極蜿蜒深谷轉荒梗時當積  
雨後行衝濕雲冷斜景無停暉迴飈有虛警遠從雙峯罅稍  
辨隻堠影巉巖欲崩石兀兀最高頂我登力已疲我僕力猶  
猛俄凌百丈梯忽蹠九仞井中休勢疑墮蓄銳思一逞攀援  
雜藤葛杳靄惑畦町霜林如美人袿服不尚裝又如韶顏翁

觴罷春醕酌頗憶風雷朝振響落懸癭感時輒驚暮念別益  
含哽蠻天夢不到海嶠路多迴苦辛伴僮奴棲遯愧箕穎何  
由免崎嶇垂堂日三省

陳無軒廣文

焯

碧浪湖圖

西泠橋畔浮槎客

張芭堂

興來自署烟波宅幽人所志在流水

茗上陳君同此癖陳君愛畫兼愛詩湘管齋中羅典冊數椽  
舊榜玉湖西明鏡秋涵天一碧今觀此圖大清遠所謂伊人  
眞咫尺徵君之筆太守贈文以記之嘅在昔不知何地更塵  
紅堪歎吾儕總頭白憶昨乘春湖上遊峴山蒼蒼日將夕眼  
驚浴鳥下沙洲手接飛雲入帆席烏程獨酌不成醉鼓枻懷  
人愁思積三年奔走溷泥塗夢落風濤付陳跡刻上誰挈載  
雪舟永嘉畏著登山屐如君尚欲老蘆中而我寧甘久形役

結鄰垂釣願他年待畫雙鷗傍溪石

雨中有述

露下涼生大火流三旬水宿感淹畱河聲送雨過沙市山翠橫烟入柁樓楚客懷歸終戀闕美人經別易傷秋紅塵自有棲閒地誰遣行藏愧白鷗

舟中感秋

江上西風吹鬢絲一株楊柳一相思美人自古傷遲暮秋士頻年賦別離團扇夜涼花發後尺書天遠雁來期仙霞不自蓬山路回首孤雲有雁隨

追和同年施鐵如侍御過訪寓齋夜話竝送別之作

楚客垂垂老燕臺草草過秋聲連日夜邊夢落關河暖眼逢人少離憂自古多非君今夕話誰與慰蹉跎

過寶應縣寄懷少林王四都中

別來如一日到此忽相思秋雨白田道孤帆黃葉時文章同  
末路江海失前期雞黍青山約何年共一卮

聞同年趙璞函歿於四川軍營詩以哀之

西望蠶叢路年來羽檄飛君行空萬里身死在重圍報國文  
章盡封侯事業非他時看掃穴誰唱凱歌歸

鄱陽湖口晚望

鄱湖襟帶古南州對此茫茫我欲愁天入斗墟懸翠釜江蟠  
坤軸下黃流新洲坐占鷗鳬宅晚穫憑誇荻葦秋爲問大姑  
何處是亂山無際暮烟稠

施朝幹

字培叔號鐵如儀徵人乾隆癸未進士由禮部主

視學

湖北性廉介絕俗居京師敝車羸馬罕遇賓客卒

於楚任貧不能喪葬所著有陵陽集四卷自謂在宛陵



學詩於張柏園先生集名陵陽志地也晚年之詩有鈔  
本在其弟子今嘉興守伊小尹湯安處將梓行之其官  
御史時屢上封事元欲爲之作  
小傳向其弟求行畧尚未得也

### 舟夜

一帆霜氣落津鼓報嚴更遠火深無影空江靜有聲溪山內  
史宅草木謝公城辛苦念行邁林猿故故鳴

### 文信國祠

江抱眞州水一方宋家丞相尚祠堂孤城警急畱三日大業  
艱難望二王燕市南冠殘月落吳山白鴈故宮荒可憐刺史  
李公庭芝精靈在泉下相逢各斷腸

### 呈李司民先生

先生早歲歌西川蠶叢鳥道相鉤連先生壯歲在鄉里白沙  
洲上臨揚子揚子一帶江流東執筆弔古才何雄天失渾敦

怒飛雨鬼憎褒伐魂呼風平生常慕太史令夢想直與英靈  
通世人貴古輒自賤忍使七尺成沙蟲惜哉先生時不利三  
十蹉跎貌憔悴假館雖無知己恩幽居肯下窮途淚王侯將  
相皆有死著書立名豈非智春華汗漫城南亭雨霽不盡峯  
巒青落景下垂石礧礧蒼苔遠接煙冥冥此時賤子命如螢  
席門獨坐持一經爲公歌罷倚青萍咫尺龍氣開滄溟

奉寄張雲澍先生

宣州疊嶂鬱嵯峨宛水曾看十載波謝朓裁詩今不見虞翻  
知己意如何過江春色愁中少繞屋梅花夢裏多漢治方思  
二千石休令十月老烟蘿

過峨眉院

流水不可住孤雲行未還峨嵋院中月已照江南山理自獨

遊悟心隨清夜開他時結茅屋相對一開顏

上王鳳喈先生

天輪運真氣靈海東南流翔陽出其中耀景連九州神鳥鵲  
火精載舞軒轅邱一舉入青雲奇文垂大猷稟德自爲貴道  
遙奚所求哀彼籓籬鷄曉夜紛啁啾

炎靈購六籍殘闕沿暴秦康成特晚出著書良苦辛名理非  
空虛訓詁一體存餘波演寥濶儒術分戶門賢者生盛世稽  
古誠殷勤鉅細靡不舉張皇發精神祭川必先河萬水歸一  
源因窺希聖意躑躅不能言

舟中望西山

西山阻折靈禽集擁棹當山畏風急朝氣橫生遠水波紫雲  
飛落秋衣濕幾年孤館夢烟巒舉首頻驚木葉寒此去東南

山色好低回猶作鳳城看

影園圖

園為鄭超宗先生別業其址在今天寧門外乾隆庚寅先生元孫內閣中書雲請王蓬心宸作

圖且為余述當時文酒譚集之盛爰賦此詩先生名元勳明進士

草木蜀岡外雲霞隋苑邊滄桑古如此圖畫一淒然末造崇

禎代商歌淮海天死生驚倉卒園圃憶回沿書帶授經始板

輿將母年玉句

堂名

臨洞達鄴翠亭倚幽偏山水垂楊遠高低

遠近延人瞻董公額

董文敏以園在山影水影柳影之間署曰影園

興發米家顛谷

口躬耕好長安置驛傳揮金既遊俠投轄必豪賢亭訪無雙

址詩題第五泉范

吳橋范文忠公劉吉水劉修

真灑落晨夕永周旋

佳話春深後名花落下先姚黃郵未進李白句能妍月旦虞

山裏風華粵嶠巔瑤光畱彩筆金竿映瓊筵

園中多名花每歲春時芳勝一

邑有黃牡丹花香光照灼尤甲于眾并同人延賞最盛衡泌會傳賦詩冠軍者先生以金竿贈之曰賀黃牡丹狀元

樓遲賦乾坤板蕩篇水嬉停別館兵氣慘幽燕孔廟麻衣哭

江關羽檄遄毀家招勁旅守土控鳴弦義懾王庭湊城完魯

仲連儒生終報國泉口異防川盤錯丹心苦塵沙碧血濺高傑

在揚州城下縱兵大掠先生單騎入其營責以大義傑斂兵五里外而揚人疑先生黨傑遂殺焉一官身寂

寞諸老涕潺湲俯仰里閭換規模陵谷遷國殤啼磴道鬼火

送原田景物嗟陳迹風流想舊編涼颺北牖底疎雨赤欄前

結構疑無路攀援儼望仙迴廊曾飼鶴放艇或如蓮先生自置小舟

狀如蓮辨良會空銷黯遺蹤且靜便閨馮渺臺榭閨之旁有閨氏馮氏諸園松

檜闊戈鋌曲沼鳬頻浴修堤犢自眠穠翁感登頓詞客弔嬋

娟文獻薜苔冷忠貞瓜瓞綿元孫悲手澤薇省夢南阡繪事

同寮擅秋豪妙理宣庭階冰雪積襟袖芷蕙鮮忽訝黃灣轉

相將蠟屐緣蕭聊仍子夜點染但蒼煙卿黨生何晚羈孤疾

豈痊招魂向空濶展冊惜迤邐丞相梅花嶺陪京燕子箋薰  
蕕他日恨褒爵後人權諡法今須補江村願已專會當尋斷  
碣三歎奏冰絃

七里瀧

川途易迷復急瀧回吐吞風止諺所忌箭馳茲莫論初秋媚  
遠色久立緬清源嘉樹凝夕嵐幽禽戀朝暾撫化情偶屬懷  
賢義靡諼赤伏驗符瑞客星明邱園平生歡未移高尚志彌  
敦石瀨遺芳蹤文藻競空言孰毀中興烈而云布衣尊弭棹  
仰棟宇奠漿羞蘭蓀庶將濯塵慮坦步棲衡門

錢塘江

靈隱山漸平津濶天忽轉三折證圖牒萬感續蛾繭臥聞行  
侶呼起視榜人喘殘夜覺曙遲中流愛風軟豈伊揚子廣未

接潮頭翦春秋吳越異先後胥種顯怨結世已遼神徂跡安  
辨蓄疑縈舊想因物及遐眎盤桓或象屯貞吉終濟蹇占兩  
非豕蹢登車任牛踐但期應同聲聊用慰游行以上二詩太  
會書箋  
示元

過鄭晴波寓齋夜話

一別生涯變重逢旅夜過幾年經白髮匹馬渡黃河家室湖  
山遠文章坎壈多天街雞莫唱堅坐感蹉跎

寄伊小尹寧遠

關門遼水右憶子東征初忽忽二十年凝睇懷縈紆爲邑復  
臨州憚黎皆晏如以茲守天險疇弗欽王缺官閣人吏稀游  
泳觀詩書遙聽情斯豫嘉覲時尚需天涯有同心且勿傷離  
居遐思草昧日燐火連榛蕪高陽不可畱阨塞將安圖登臨

發慷慨世運推驅除落筆埽末流長歌臨當塗黃雲海上起  
飛度醫無閭願攀絕頂松雙鶴交踟躕小尹續學工詩所著  
五言古體尤爲超詣  
余嘗謂其意趣淵深氣格高古在阮嗣宗左太冲之閒乾隆  
己酉余以自訂詩集郵寄遼西小尹復書曰先生此集裁擇  
太嚴如江上碧山轉南朝春色來神味逼真盛唐而集不載  
恐此外應存者尚多余感其意取舊棄亡剛者重加檢錄爰  
識於此以見小尹  
與余相愛之深也

顧同根

字蓮溪興化生員其  
弟仙根寄詩入錄

壬寅二日秦郵客館寄懷趙九蘭癡北上

春雲沈寂晚登樓烟景蕭疎半似秋  
鸞社一天寒食雨黃河  
千里故人舟紅侵書帙桃花落綠鎖山房  
草色幽正是黯然  
深別恨孤燈應復夢揚州

時家兄  
客揚州

癸卯春客揚州延禧堂咏玉蘭花卽贈主人

烟凝碧草籠晴沙小閣迴廊旭影斜  
春識主人先到樹客如



好雨自催花芳心十日寒餘藥玉面初開淡正華會入瑤臺  
分一座品題天上有仙家

江

泳字淺堂號拭廬通州學  
生著有角西詩鈔一卷

寄范迦陵

晚春遊興短筇知閒蹋江鄉其所思斷碣荒涼披宿莽名箋  
錯落關新詩風開北牖眠初穩樹挂西蟾醉不辭別後曾經  
平水市幾人村校讀微之

幽居

家住東灘東復東兩行榆柳十梧桐春林鳥喚濯枝雨秋墅  
簾垂獵葉風放浪焉能傲齊贅頽唐只合號吳蒙賣漿屠狗  
英雄事殊勝雕蟲老篆工

秋夜讀書有感

門掩秋風落葉深  
短檠殘帙耐披吟  
自憐住世少閒趣  
何待到山生隱心  
幾點暮鴻才北嚮  
一鉤新月又西沈  
流光只解催人老  
醉臥霜鐘動遠林

寫懷

清歌白眼狂夫態  
鍛竈蒸牀處士情  
小閣水邊延野綠  
暮鴻天外寄寒聲  
文成弊帚誰珍惜  
交剩殘星半滅明  
恨不移家江口住  
烟波深處訂鷗盟

徐錫爲

字景馭號弁江通州人乾隆庚寅舉人著有弁江詩鈔七卷

聽羅雨峯說鬼歌

荒林葉碎飛乾雨  
霜壓紙窗燈欲死  
坐客吟秋悄不言  
虛帷獵獵悲風起  
天寒夜黑無人聲  
一時銷盡熱中情  
相對此閒惟說鬼  
舉杯爲屬江東生  
生先衆客竦而立  
閃閃秋燐雙眼

碧欲說未說蕩我魂四座爲之皆斂息山阿薜荔西陵煙撫  
卷追思常颯然矧君手口作圖繪紛如百怪羅其前老魅怒  
啼出深樹陰雪迸裂毛髮豎突兀猶疑欲趁人驚心直到無  
形處髑髏更假殘粧面迎夜窺人時隱見一縷游魂慘不收  
泱泱水月白成片有時雨灑青楓梢陰房鬼族潛相招新大  
故小倏而至燭之曾不爽秋毫吁嗟乎羅生之舌如鑄鼎羅  
生之日懸如鏡直向虛空寫幻形百年一視幽明境翦燈話  
竟羣無譁空堂人影相周遮雄雞口噤不能唱夜半荒原聞  
鬼車

邗江夜泊

水邊燈火城頭月城裏清歌水面簫十里樓中春鬪酒二分  
月底客停橈鐘殘法海星初轉烟鎖雷塘夢未消料得鴛鴦

狂御史玉鉤斜外太無聊

吳廷燮

字調玉號梅原如臯廩貢生著有楓香閣集一卷白下集一卷癡餘集二卷

駱義烏墓下作

武墨亂唐綱禍寧呂雉埒戔戔狄梁公宛轉類容悅倡義始  
義烏一呼振疲茶先聲激五王雄才冠四傑鐵甕劔雖挫金  
輪膽已奪椎秦子房心蹈海魯連節史臣昧茲義兵起由失  
職遂令反正功千秋蒙汙蠛我來荒岡游懷古捫斷碣生已  
痛流離死猶遭播越見五山志燐燐化碧痕恐非生平血江潮從  
西來萬里濺飛雪唐寢俱烟灰安問臨朝孽日暮聞梵音嗒  
然忘言說

渡江

揚子江頭落日昏白沙洲外怒濤奔曾分南北橫天塹直抱

蛟龍下海門  
羗馬投鞭成底事  
樓船橫梁竟誰存  
何人偷擲龍吟笛  
細雨斜風斷客魂

徑翦滄江趁晚晴  
楚天低處浪花平  
欲吞縹緲三山影  
猶帶興亡六代聲  
雲樹不分揮扇渡  
人烟漸近石頭城  
更思坐聽嘶王鼓  
蓬脚英風颯颯鳴

青溪曲

妾家青溪灣  
復灣朝朝暮暮聽潺潺  
誰道郎心似溪水  
三十六溪如玉環

郎如青溪水上鷗  
朝飛開口暮江頭  
儂如青溪水中塔  
影落波心不更流

魚復浦八陣圖

當年三顧起隆中  
灑落君臣一體同  
遺蹟猶存甕子國  
扁舟

直破楚王風魚鳧路近春波濶蛇鳥秋高夕照紅回首永安  
何處是寒蕪落葉晚濛濛

沔陽八陣圖

高平故壘擁風雲傳道當年此定軍假使功名終八陣不應  
天地有三分夕陽社鼓神雅散暮雨長林杜宇聞指點山頭  
祠廟在擬持清酒薦夫君

課春堂聽羅雨峯說鬼

我昔官渡晚停舸雨歇秋田出鬼火又嘗獨宿呂蒙城夜半  
啾啾聞鬼聲鬼聲曾聞鬼火見幾曾真覩猙獰面揚州羅生  
方兩瞳自云矚鬼常如電課春堂上夜筵收請生說鬼生曰  
善五人列坐圍畫屏一說再說肌粟生維時月黑天無星空  
廊風葉走而鳴殘燈瑟瑟縮細如豆石根林際紛有形欲動不

動杳冥冥坐客舉手戒勿云生猶口沫流津津或云生具如  
來智慧眼鳩盤無處逃荒幻或云視之不見聽不聞如生所  
云非正論生也不語目常瞪坐客紛拏終莫定我語坐客客  
勿囂雄雞翦夢蒼天高

陳荆璧

字玉山號石帆儀徵人乾隆庚寅舉人有石帆遺藁一卷

月夜過資福禪院

幽若無塵靜夜過眼前好景夜如何風生樹杪鳥呼侶月到  
潭心魚跳波半偈幾人聞惠遠空花一夕證維摩相逢漫說  
三生石清磬聲聲破睡魔

弔通妙丐者卽次原韻

波回島嶼逐雲流誰被飢驅老此州飯後鐘寒山寺夢市中  
簫吹海門秋有才作鬼應題葉無地爲家不首邱漫說如公

終餓死驚人詩句幾曾休

石

頤字正也號養齋如臯人增貢生考授州同知善畫法王麓臺著有詩彙一卷

琵琶亭

蹤跡頻年漢水濱思鄉懷古鬢如銀青衫莫漫悲司馬我亦天涯淪落人

石

孚字信也號省齋如臯人歲貢生候選訓導以子貴贈奉直大夫

· 唐家埠感懷

寂寞江村暮香醪漫自斟百年隨逝水萬事託孤砧雨滴堅秋意蛩吟碎客心殘燈明復滅展轉夢難尋

石中寶

字汝執號韞齋如臯人由貢生例授布政司理問官歷試關中州縣

自題小照

每訝彈丸速懜懜四十年生涯詩酒裏歲月鬢毛邊不慙慚



先哲無聞愧後賢半生何所事回首總茫然

戴綬年

字梓擘號輪門甘泉諸生居仙女廟鎮所著有稻香亭詩文集四卷乾隆癸巳年刻

飲金陵城北酒家

路轉清涼山山椒出茅舍青旗搖疎槐幽花被紅榭清風穿  
地來冠服頽然卸主人出揖客邀我傾玉斝山肴雜然陳村  
釀碧堪瀉曠達懷古人誰是長年者仰面眺西城悠悠夕陽  
下

九日涵虛閣登高

烏帽欹斜學道裝仙樓一眺總蒼涼孤雲細蹙秋潮白雜樹  
初翻夕照黃此日雅懷聯舊雨十年吟髮怯新霜籬花手採  
知多少頻向樽前看絳囊

蒲葵扇歌

赤龍銜燭金石愁松篁高閣聲颼颼南熏忽向綺窗動蒲蓉  
小扇清且幽典午太傅謝安石渡江第一真風流碎翦秋江  
一片綠丹心向日相綢繆齊紈魯縞空闕麗青蒲何事先迎  
秋夷甫玉手誇映塵清談坐笑傾神州元規之塵那可障咄  
嗟三窟誰所求大臣有功在社稷法物豈必懷商周仁風一  
扇通廣漠酷烈迅掃驅火牛隱囊紗帽視公事冰壺玉鑑懸  
當頭

故明史相國墓述事

揚州城北  
梅花嶺

一死何難殉烈皇偏安猶欲固金湯登壇已恨中原蹙跋扈  
其如四鎮強漫道旄頭持虎節可堪

天上下龍驤麻衣點點孤臣淚埋向桐棺對女牆

叔寶何曾解誓師文山慟哭向江湄頻歌司馬春燈曲竟折

揚州大將旗嵩嶽暮雲留浩氣陪京玉樹翦旁枝宮車一出  
昭陽冷愧煞英雄入地時

兵餉蕭條總莫論秋霜兩鬢陣雲昏趙高久已窺秦璽寇準  
翻教臥北門梅嶺沙場留碧血蔣山寢廟有歸魂休言社稷  
終無補冰鑑應知到九原

小朝廷莫恨東周忠烈

恩頒祀典優剩水殘山空昔日夕陽黃葉自千秋騎箕直擬  
臨柴市走馬誰傳到石頭細剔青燈繙信史星辰耿耿照邗  
溝

讀陶淵明傳

彩鳳翔天衢孤鴻飛杳冥況彼知機士觀變能不深淵明在  
晉末孤陽霾重陰豈以彭澤官而與禍患鄰大盜竊神器寧

論  
爲晉遺民挂官如脫屣躬耕歸邱園濁世全羽儀折腰非所

泊瓜渚

長河達瓜渚帆落柳城西山晚白雲出雨晴青草齊地從淮  
甸折天入海門低數間蘄王廟英風在水犀

旋元益

字春堂甘泉諸生居仙女廟鎮與戴梓管沈西疇爲詩友著有迎清書屋詩鈔一卷乾隆時人

望秋山

山遠白雲盡江南點翠微遙知幽絕處秋色伴僧歸樹杪幾  
峯出泉聲一道飛依依愛螺髻不用歎斜暉

題秋江蘆鴈圖

荻花洲畔影參差雲路歸來飲碧漪離却畫圖何處見昔年  
秋夜渡江時

吳

林

字蘭輝江都廩生

自楚旋揚州別汪丹麓江益堂諸子

來時春色到將離半載羈遲客欲歸珍重一尊簾幕下菊花初綻蟹初肥

汪

杰

字中也汪舸之子一字雪疆江都人精於鑑賞字畫磁玉之類佐江鶴亭方伯幕購馬氏小玲瓏山之

館居之

淨香園卽事

岸影橋痕日易斜  
菱荷彌望綠陰遮  
畫船散盡烟波冷  
剩有風裳伴月華

金台衡

字石樓儀徵生員能詩工書子章采輯其詩爲清華閣遺草一卷

吳陵客舍感懷

小閣畱孤客清燈獨自挑  
將歸人更苦不寐夜無聊  
酒伴城

邊鼓秋心海上潮轉蓬風切切何以慰今宵

簾下

一派瀟湘影金鉤傍曉懸雲沈粧鏡裏雨暗酒杯前燕子窺  
人去狸奴對客眠最憐春寂寞香度落花天

題王春潭白門訪舊圖

冉冉江雲薄欲開小航輕趁夜潮來調箏樓上人依舊柳亂  
風疎又一回

王啟心

字築崖號畱耕甘泉布衣  
住邵伯鎮著吟存二卷

· 感事

數尺鶉衣雪滿顛短檠殘帙可終焉老爲棄置不才木寒託  
淒清應候蟬面目人如千里隔情悰我似十年前餘生欲脫  
塵囂累慚媿簞瓢有薄田

張廷楫

字汝舟號厚菴一號竹屋甘泉諸生住邵伯鎮工書畫

雨霽

農務齊三月郊原歇雨天平燕下積水古木響春鶉墅遠雞  
豚逸村深草樹連壺觴就野老應共汝陶然

張

瑞字茹禾號耐村甘泉諸生住邵伯鎮著有聽鸛集

鬻女行

貧婦提弱女女年方六七云是農家婦丈夫患羸疾家有汙  
邪田秋霖不結實翁姑共垂老死生莫可必四口相依倚區  
區此女一此女賣與人願得布一匹但求此女飽遑恤及後  
日布作翁姑裙重重線縫密此是孫兒身仍令常在膝

採蓮曲

艾陵湖畔香風起映日荷花十餘里誰家女子漾輕舟採得

雙蓮心暗喜馬上鮮衣停玉鞭相逢只隔綠楊烟漫誇蓮似  
佳人面看取紅蓮似白蓮

已

鑾字鳴岳號晚晴江都諸生著有晚晴詩存一卷

吳興署中

暑退才清快秋來又感傷大都緣作客一半爲思鄉蕉雨驚  
詩夢桐風冷酒腸遲姓攜蠟屐須到弁山陽

文

熙字元恭江都人國學生著有周易註金陵遊草

樊川道中

仍是樊川去日津石橋東望總無垠半帆雲影平依岸一片  
烟光遠趁人村舍尚畱新水跡桑麻無復舊時春可憐只有  
僧房在遶殿疎籬鎖綠筠

丁書玉

字又松號艾田泰州恩貢生著有兒竹軒詩鈔



觀海樓待月步仇霞村韻

滄海收殘照危樓聳碧虛窗開人望遠雲淨月來徐清影何  
圓澈塵襟盡滌除新詩俱皎皎硯水滴蟾蜍

丁拜恩

字澤遠號熙莊東臺縣諸生著有寸草軒詩鈔

暮春

風動疎簾少客過亭亭日影下晴莎衆芳搖落滿樽外却悔  
經旬醉未多

汪

中

字容夫江都人乾隆丁酉拔貢生多聞彊記舉所誦書若流水雄於文鎔鑄漢唐成一家言詩學盛

唐參以金元好金石嘗得漢石闕畫石以五十千從寶應昇歸九精史學自言深于春秋生平多諸書凌轅時輩人以故短之然於嘉定錢詹事大昕金壇段大令王蘇高郵王給諫念孫欽縣程孝廉瑤田未嘗不極口推崇當爲顧炎武胡渭梅文鼎閻若璩惠棟戴震作六君子頌足見其謙己樂善也年五十卒于杭州所著廣陵通典三十卷春秋後傳二十卷述學四卷又選屬宋以下哀豔之文爲傷心集若干卷容夫死後其孤子甚

稗元就其家求遺書片紙不可得惟得其述學于浙中  
即爲刊行之其詩亦絕少流傳今之所錄皆非傑作俟  
訪得再爲補錄

代白紵辭

開帷纖纖行且却輕軀細步風前弱玉腕凝香素綃薄蒲桃  
金卮爲君酌朱顏暈酒日生光橫波送笑流滿堂善知人意  
樂無方金環散珮明月璫曼歌掩袂迴人腸百年今日安可  
忘

長槐青青桂華碧清江月出歌管急四座沈吟意綿脈紅燭  
參差倚寶瑟迴袖香生動薌澤芙蓉露落沾人衣勸君深杯  
君勿辭五更漏促城烏啼明日相思君不知

辛卯三月二十一日夜和黃仲則

景仁

叢薄風生窗浙浙夜火欲盡作青色病客獨坐毛髮立鬼適

何來太相偏。颯然而落林。鳥啼空堂曳革行。來遲終夜作索心。然疑天明向壁塊。然臥與汝相守能幾時。

雜詩五首

羣居共晨夕。志好同衣衾。豈知歡愛日。終非可恃心。長路無停軌。江河阻且深。宿昔遠遊志。徘徊空至今。

孤鳳息池潢。翠羽含風弱。中逵荆枳生。露下桐花落。長閤丹山采。偃仰爭餘啄。本無干仞翔。不敢怨蜩雀。

零露漸野草。湛湛朝欲稀。日出城隅路。清風吹我衣。窈窕秦川女。厭浥獨行時。朱顏發光澤。灼灼映晨暉。徒懷抱柱信。相逢終自疑。不惜千金佩。何因通我辭。寸心一不諒。枉負桑中期。

鶴脰不可斷。鳬脰不可續。物性有自然。何爲苦羈束。雪嶽幽

高下魚鳥翩相逐本無百年命安危同所欲栖游非一途  
生各自足

初日照高樓飛軒交綺疏佳人挾鳴瑟當戶理華裾坐惜傾  
城貌十年常獨居悲風激幽響行路立踟躕不爲感人耳清  
歌聊自娛

吳叔元

字思堂號金山農儀徵人  
工篆善畫晚年客死如皋

初秋過竹香堂

西風白露下庭除酒興詩情大不如偶值米顛書畫舫嬾尋  
徐孺水雲居魚灣烟靄日將夕射圃秋梧葉又疎幾許清言  
見滋味白頭心性本樵漁

陳邦材

字宗旦號乃人通州石港人天性  
孝友篤學早世著有十尺樓詩集

廣陵道中

廿四橋頭鼓棹歸一鉤斜月影霏微曉風楊柳人吹笛春水  
桃花女浣衣匹馬遠分邨樹去孤禽閒上墓田飛冷然何處  
鐘聲動多恐繁華好夢稀

沙重輪

字廷載號朗生通州石港人乾隆戊戌進士授禮部主事尋卒于官

曉發山東道上

勞薪輾轉豈能停催起征塵客未醒茅店半扉侵曉月荒村  
孤樹落殘星山連東海無閒土柳帶青齊有驛亭此地行人  
須記取將來知復幾番經

李

岐字鳴山號參竺性游俠以老拳名淮海推爲第一然其狀有儒者風

妙香林臥病

百計難安一病身天涯幾度落花新  
琴書換作爐中藥風雨  
留爲客裏春窗破有聲疑出鬼  
燈殘無影欲拋人五更乍聽

樓頭磬頓悟三生未了因

曹德南

字雲邪號野叟  
通州國學生

喜晤馬鞍山湧濟上人

兩世交情切相逢話昔時薰風吹舊雨苦茗潤新詩寺僻囂

塵遠山深歲月遲蒼松參翠竹綠滿不乾池

山上池名

陳

詩

字亦唐號范塘江都人乾隆丙午鄉試年踰八十  
欽賜舉人丁未欽賜翰林院檢討

次劉廣文漁浦秋夜書懷原韻

兀坐空齋裏閒翻歷架書碧湖凋葉後紅蓼放花初劇飲如

無限聯吟愧不如烟波容我覓欲訪釣臺漁

顧鳳毛

字超宗號小謝興化人父九苞通經學尤深三禮

經嘗作天文地理禮樂國璽諸論和鮑參軍行路難詩

時人奇之十八應童子試經解騶虞數千言補弟子員

家貧歲歉力養祖母甲辰應南巡召試欽取

二等中戊申副榜超宗于箋注疏義不為異同惟彊記

博覽株守先儒之學然間有議論未嘗不精核簡雅厭服衆心卒于揚州所撰楚詞均考入聲均考毛詩集解董子求雨考等書皆未成求其詩彙不得惟得廿字錄之

### 寄盧紹弓先生

江水千尋碧蒲帆十幅裁思君似明月夜夜渡江來

邢

楷字端士甘泉人讀書應童子試幼孤貧舌耕養母能竭其力乾隆甲寅母病瘵浸楷以哀毀亦沒年

二十一鄉人以孝請旌詩有至音所存惜不多也

### 絳園芍藥詞

綠徧琅玕翠不分到來喜作問花人短牆三面周圍護聚得揚州四月春

似鏡湖光一道斜重重門戶也清華誰教神女三千輩化作欄邊萬朶霞

董祥齡

字致和江都生員年三十二卒

藏菊

朝來屈指近霜天忍把繁英傍野田  
暖閣好圍三徑雨紗幮  
深貯一籬烟應教隔歲香猶吐  
莫遣殘秋影不懸謝絕詩人  
休更訪與花已結靜因緣

沈宜瀟

字貝黃號健堂高郵人乾隆己亥舉人著有健堂詩鈔一卷

擬韋蘇州幽居

人生曷不樂但緣塵網糾榮達頗足怡  
亦以增憂患何以臥  
南窗逍遙無早晏林森響清音鳴鳥隨時換  
微風吹青山浮  
雲靜中看採藥任所往野人行結伴幽居一  
無事何由生煩  
惋

沈荊漳

字廷璞號少岑一號東田高郵諸生家有園亭可供觴詠嘗作春草詩一時傳誦著有少岑詩鈔一卷

卷東田春  
草詩一卷



吾家東陽公立宅東田囑望郊阜嘗爲郊居賦以見志  
余城東有田二頃意欲誅茅於此以盡餘年顏其室曰

東田精舍

無求何必歎蹉跎只愛付居樂事多茅屋十間都繞樹稻田  
百畝更臨河鰕籠蟹斲藏蘆葦豚柵雞栖護薜蘿風雪滿天  
蒸飯熟妻孥相酌醉顏酡

東莊卽事

筍輿朝出郭落日東莊米貴春醪薄年荒麥飯香夜燔藿  
守望春兩各耕桑及早修農具今秋卜歲穰

巖湖漁唱

巖社湖中港汊通巖社湖邊葭莢叢舴艋幾家湖上住生小  
打魚今作翁

半畝湖田賦卜居家家校初聚茅廬浮生只合烟波老偶入  
城中爲賣魚

茅塘港接燒香港姜望湖連七里湖不種桑麻不栽稻不知  
徭役不輸租

露筋祠畔藕花田吹得香風上釣船落日幾人收罟去一聲  
長笛破溪烟

池面唼喁魚食萍有時戢戢過沙汀午餘繫艇柳陰下山雨  
欲來溪水腥

散髮逍遙曳短衫耿侯祠外數歸帆官堤來往無相識自署  
烟波釣叟銜

程贊普

字一亭號鳧塘令延季子儀徵廩膳生工詩古文

篤于交友緩急必爲之盡年三十而卒英靈集徵詩之

初鳧塘任搜訪甚勤旬月得詩藁百餘種旋以病沒今

錄其詩殊  
可悼也

倚樓

樓開收霽色徙倚又斜曛  
遠樹如平薺歸雅入亂雲  
詩從閒裏得春向雨中分  
久識身爲客行藏何足云

東齋讀書

忽忽春已深悠悠人事隔  
豈曰謝酬應地偏本少客  
飽食恥終朝游心賴典籍  
豈惟破寂寥亦以廣資益  
寓目輒了了稍焉難記憶  
于此識衰鈍智慧非疇昔  
是日庭花開細草漸成碧  
飛絮拂簾櫳好鳥窺几席  
卽事堪娛懷天機任動植  
把卷發清吟弦月挂林隙

村行

籬邊杏花紅門前柳黃綠  
感茲植物榮益覺流光速  
晨起向

東菑散步清溪曲郊原土脈滋家家叱黃犢協風未幾時農  
事紛在目伊余稼穡依五值年登穀幸得免饑寒所願差已  
足歲有口腹安居閒雞犬睦一補幽風吟牀頭酒初熟

種柳

爲欲成陰速偏於種柳宜才移三四樹便有萬千絲遲日留  
鶯轉無風倚檻垂空庭嘉樹少藉爾拂新詩

秋帆

十幅欣無恙秋風一夕催側衝涼鴈去峭逼冷雲來紅蓼岸  
旁卸青楓江上開何當霜落後小挂剡中回

送秋

惆悵西風又送行流年催換客心驚可堪宋玉悲秋意并入  
江淹賦別情黃葉滿身人獨立碧雲無際雁長征怪他鏡裏

清霜影一縷青絲染易成

· 病中作

六十韶光轉眼空漫驚歲序太忽忽春歸雨裏兼風裏人在  
愁中又病中變幻可能同夢鹿升沈空自望歸鴻浮生如寄  
眞難定休問成都賣卜翁